



Universitätsbibliothek Paderborn

Reverendissimi Ac Illustrissimi D.D. Antonii Godeau Episcopi Venciensis Viri Celeberrimi Theologia Moralis

Ex Purissimis Sacræ Scripturæ, Patrum Ac Conciliorum Fontibus Derivata,
Notis Theologicis Illustrata, Duasque In Partes Divisa

Complectens Tractatus I. De quarto, quinto, & sexto decalogi Præcepto II.
De septimo decalogi Præcepto. III. De octavo decalogi Præcepto. IV. De
Ecclesiæ Præceptis. V. De Sacramentis in genere & quibusdam in specie.
VI. De Pœnitentia. VII. De Matrimonio

Godeau, Antoine

Augustae Vindelicorum, 1774

Caput I. Mendacii descriptio, divisio, & malitia.

[urn:nbn:de:hbz:466:1-53587](#)



TRACTATUS III.

DE
RESIDUIS TRIBUS DECALOGI
PRÆCEPTIS.

SECTIO I.

DE
OCTAVO DECALOGI PRÆCEPTO.

CAPUT I.

Mendacii descriptio, divisio, & malitia.

Prohibet hoc Præceptum injustitiam omnem & injuriam, quæ contra proximum committitur vel falso testimonio, vel injusta sententia, vel mendacio, vel detractione, vel temerario judicio, aut hujusmodi aliis. Quoniam autem frequentius ab hominibus mendacium committitur, de hoc accuratius agam. Sancti Augustini premam vestigia, qui insignes duos de Mendacio libros scripsit, in quibus questiones pene omnes, quæ circa illud propni possunt, diligenter examinat.

Mendacium juxta hunc sanctum Doctorem est falsa verbi significatio ad fallendum, vel falsa contra mentem locutio. Dixi verbi; quia verbo præcipue mendacium committitur, quamvis scripto

S 4

scripto etiam, vel signis committi queat. Mendacium sit peccatum, fallendi seu falsi enunciandi intentionem adesse necessum est; locus *materiale* tantum non *formale* esset mendacium, quod solum aut veniale, aut mortale constituit peccatum.

Dividitur autem mendacium formale in *jocosum*, quod fit meræ voluptatis seu delectationis causa, absque omni præjudicio tertii: *officiosum*, quod fit propriæ vel alienæ utilitatis gratia absque tamen cuiusdam tertii damno: *damnosum*, quod in alterius damnum vergit, estque grave peccatum, si damnum grave proximo afferat. Idem de mendacio jocoſo, officioso, quod ex circumstantiis personæ, &c. scandalum causat, sentiamus oportet.

Fuerunt (& forsitan adhuc sunt), qui mendacium mere jocosum, aut officiosum licitum ei putabant. At horum opinio omnino falsa, & erronea est censenda. Mendacium enim sua natura directe Deo opponitur; nam Deus veritas est; veritatem autem mendacium lèdit; quid igitur illud impune Deus ferat. Paucum mendacium legi naturali, legi scriptarum testamenti, legi ecclesiastice, omniumque Sanctorum praxi adversatur.

Vocem homini natura dedit, ut animi sensus ipse promeret; cum vero verbis unius ad animi sensus fingendos vel simulandos, hanc ordinem turbat, & naturæ fini repugnat. Porro nihil aliud est mendacium, quam falsa significatio, qua proximus decipitur.

Legat

Legem suam Judæis Deus tradens mendacium prohibet. Ait enim: *Non mentiemini, ne decipiet unusquisque proximum suum* (Levit. 19.). Odit Dominus proferentem mendacię (Prov. 6.). Abominatio est Domino labia mendacia (Prov. 12.). Perdes omnes, qui loquuntur mendacium (Psalm. 5.). Os, quod mentitur, occidit animam (Sap. 1.). Noli arare mendacium adversus fratrem tuum (Ecclesiast. 7.). Sanctus Augustinus affirmat, facilius in veteri, quam in nova lege veniam meruisse mendacium. Quando autem querit, an licitum sit mendacium, ait se non de homine loqui, qui Aegyptum, vel Jerichuntem, vel Babylonem, aut terrestrem Jerusalēm incolat, quæ cum filiis suis servit; sed loqui de cive liberae civitatis & æternæ, quæ sursum in Cœlum est. *Filiī autem illius civitatis, filii sunt utique veritatis; qui si quando casu mentiantur, petunt humiliter veniam, non inde querunt insuper gloriam,*

Ratio, quare inter Christianos gravius peccatum est mendacium, hæc est, quia ipsi Iesu Christi sunt membra, qui ait: *Ego sum veritas* (Joan. 14.): ejusdemque corporis singuli sunt membra. Idcirco Apostolus ad Ephesios scribens sic inquit: *Propter quod deponentes mendacium, loquimini veritatem unusquisque cum proximo suo, quoniam sumus invicem membra* (Ephes. 4.). In naturali corpore membra non se invicem fallunt; sed si quid patitur unum membrum, compatijuntur & cetera (inquit

S 5

Apo-

Apostolus 1. Cor. 12.) ; quia naturalis corporum lex hanc compassionem & opitulationem requiri. Id in mystico quoque corpore est servandum fidelium quilibet proximum suum vere amare, illique vere opitulari debet , nec erga ipsum fictione aut dissimulatione uti; quod nisi faciat, eo gravius peccatum committit, quo naturali corpore est nobilior, & civili christiana societas est sanctior.

Mendaces extra Ecclesiam debent expelli, sicut in Apocalypsi legitur: *Foris canes, & venefici, & impudici, & homicidae, & idoli servientes, & omnis qui amat & facit mendacium (cap. 22.).* Cum mendaces post venenosos, impudicos, & homicidas recenseat sanctus Spiritus, cæteris magis abominandos esse mendaces videtur innuere. Revera mendax verba sua mendacii veneno inficit, eorum puritatem fictione corrumpit, animam suam, & sepe abundantium etiam animam occidit. Hinc, ut refert Burchardus (*lib. 19. c. de falsis testib.*) eidem olim Ecclesia pœnitentiæ mendaces subdidit, ac adulteros & homicidas. Qui affirmaverit verum quod *falsum est*, pœnitentiam agit ut adulter, ut homicida, qui sponte id faciens admiserit.

Mendacium Sancti semper vitarunt tamquam peccatum summe detestandum, quo nempe iniuria afficitur Deus Pater, ejusque Filius, & sanctus Spiritus, qui in sua personali proprietate est veritas.

Pecu



Peculiariter etiam ratione inter Christianos præ infidelibus gravius est peccatum; quia videlicet credunt Christiani Jesum Christum secundum Divinitatem suam Patris sui substantiale esse Verbum, & figura substantiae ejus, ut ait Apostolus (*Hebr. 1.*). Exterius hominis verbum hujusmodi interioris Verbi Patris cœlestis quædam est imago. Proferentis ergo sensum debet vere exprimere; quando autem animi sensum simulat aut fingit, suum lœdit prototypum.

At dicet fortasse aliquis, hæc omnia de mendaciis esse accipienda, quæ proximo damnum afferunt; non vero de officiosis mendaciis, quæ joci causa proferuntur, absque intentione nocendi alicui.

Sanctus Augustinus perspicue docet, neque pro vita hominis servanda licitum esse mentiri. Quomodo (ait lib. 1. de Mendac.) non perverissime dicitur, ut alter corporaliter vivat, debere alterum spiritualiter mori? Ratio est, quia proximi dilectio a fui ipsius dilectione mensuram debet accipere. Quomodo igitur sicut seipsum proximum diligit, qui ut temporalem illius vitam servet, æternam ipse vitam mentiendo amittit? Exemplum sanctus Doctor assert Firmi Tagastensis Episcopi, qui cum domi suæ hominem abscondisset, quem Cæsar's ministri morte plectendum quærebant, urgebantque Episcopum ut illum proderet, hoc semper illis dedit responsum: *Nec prodam, nec mentiar.* Hoc audito responso pluribus illum cruciatibus officiales affixere, sed nihil amplius extorquere um-

uinquam potuerunt. Ad regiam urbem dedi-
ctus est Episcopus, ejusque constantiam Augu-
mirati sunt, qui honore afficiendum judicarun-
t illique doperunt reum, quem celaverat. Exem-
plum hic Episcopus exhibet, quo interrogans
aliquis, an quæsus homo hic lateat, aut ibi,
si nihil respondet, suspicionem dat inquiren-
tibus; quod ibi homo ille lateat; si autem respon-
det, illum non prodam, eamdem suspicionem
tribuit: ideoque vel taceat, qui interrogatur,
vel loquatur, quæsus homo invenitur, & al-
supplicium rapitur. Respondet, non licet
esse & quivocis uti, nec in manicam inferendo
manum dicere: Hic non existit; sed si nescio
ubi quæsus homo lateat, sine timore ullo re-
sponde: ubi lateat nescio; si vero scias, men-
ti non debes, sed respondere: Scio ubi lateat,
nec prodam: pro qua fide atque humanitate
quidquid fortiter tuleris, non solum non culpabi-
le, sed etiam laudabile judicatur. Exceptio m-
hilominus regulæ huic est addenda; nam si reus,
qui queritur, crimen aliquod contra Rem publicam,
vel Principis vitam, vel Ecclesiam patra-
set, tunc eum prodere oporteret: at extra hunc
casum nemo tenetur hominem prodere domi-
suæ absconditum, sed neque mentiri debet, ut
illum servet. *Dicitur ergo* (inquit sanctus Au-
gustinus) *es falsum testimonium, & occiditur*
animam tuam, ne occidatur homicida? Neque
pro innocentis vita servanda mentiri licet, ejus-
modi enim peccatum est mendacium, ut nulla um-
quam ratione licet esse possit, neque pro vita
propria servanda, multo vero minus pro aliena.

Mentio

Mentiri quoque non licet pro castitate propria, vel filiae suæ contra iniquum raptorem servanda. Rationem affert sanctus Augustinus, quia corporis castitas ab animi castitate penderet et proficiscitur. Quamobrem si mens mendacio corrumpitur, vere castum corpus non servatur: cum vero corpus vim patitur, quin vetitæ voluptatis amor accedit, cui voluntas repugnat, vexatio hæc est potius dicenda, quam corruptio. Non ergo peccantem approbat, qui pro alio non peccat, & neutrum placet ei, qui utrumque nollet admetti; sed illud, quod ad se pertinet, etiam potestate non perpetrat, quod autem ad alterum, sola voluntate condemnat.

Ægyptiacarum obstetricum affertur exemplum, quæ Pharaoni mentitæ sunt, & Rahab, quæ mentiendo Josue exploratores servavit, quam tamen Deus muneratus est. Non igitur ipsæ peccarunt, secus opus pravum remuneratus Deus esset. Respondebat sanctus Augustinus, Ægyptiacas obstetrics Deum remuneratum esse, non quia mentitæ sunt, sed quia erga Israelitos pueros misericordes fuere. *Non est in eis remunerata fallacia, sed benevolentia, benignitas mentis, non iniquitas mentientis.* Quemadmodum enim nec absurdum nec insolitum esset, si aliquod ante commissum peccatum Deus illis dimisisset propter bona opera postea facta; ita mirari non debemus, si utrumque opus Deus simul respiciens, misericordiam scilicet, & mendacium, illam muneratus est, & hoc dimisit.

Quoad

Quoad Jacobi exemplum, qui patri suo Iacob se filium suum Esau esse dixit, idem sanctus Augustinus respondet, non hoc fuisse mendaciam, sed mysterium. Quæ si mendacia dixerimus omnes etiam parabolæ ac figuræ significandorum quarumcumque rerum, quæ non ad proprietatem accipiendæ sunt, sed in eis aliud ex alio est intelligendum, dicentur esse mendacia: quod a omnino. Quæ significantur enim, utique dicuntur: quæ verborum velo teguntur, ut sum pie querentis exerceant, & ne nuda prompta vilescant.

Numquam igitur mentiri licet, nec poterit umquam bonum esse mendacium, quoniam nullum semper est peccatum. Mentiri non licet 1. circa religionis dogmata: atque hoc est omnium pessimum mendacium, 2. nec quando mendacium alteri nocet, 3. nec quando alterum potest juvare, 4. nec propter voluptatem, quam mentiens capit, 5. neque ut alios quis obletetur, eisque carus fiat, 6. neque ad proximi salutem procurandam, si forte hac arte converti possit, 7. neque ut alium a peccando cohibeas; ad ilium enim peccatum pertinet, qui illud committit, 8. neque ut propria vita, vel castitas servetur, vel spirituale aliquod bonum, quod invincibilis vi rapi potest.

Jocosa mendacia semper mala sunt, nec Deum umquam vel leviter lädere debet Christianus oblettandi se causa. De otiosis verbis a Deo judicabimur, quando igitur magis de mendaciis? Qui autem levibus assuescit mendaciis,

in graviora paullatim prolabetur, quæ amplius sunt nocitura. Jocosum mendacium, & leue plerumque peccatum, lethale evadit, si grave audiuntibus scandalum præbet; hoc enim caritati adverfatur.

C A P U T II.

Æquivocationibus uti non licet.

Novi quidam Casuistæ mendacii malitiam ve-
lare student æquivocis, quæ licita esse do-
cent; at id ingeniose magis, quam vere efficiunt.
Certum est enim æquivocis utentem verba contra
eorum naturam adhibere, cogitationesque suas
non declarare, sed tegere; atque ideo prox-
imom suum fallere, quia interroganti eidem
aliud intelligendum proponit ab eo diversum,
quod ipse mente celat. *Nihil aliud* (inquit
sanctus Augustinus quæst. super Deuter.) *in*
verbis loquentium queritur, nisi voluntas, pro-
ppter quam enunciandam verba instituta sunt. Et
alibi ait: *Nihil aliud sunt verba quam signa;*
significando enim verba sunt: tolle significationem
a verbo, strepitus inanis est. Denique ita con-
cludit: *Et utique verba propterea sunt institu-*
ta: non per quæ homines invicem fallant, sed
per quæ in alterius quisque notitiam cogitationes
sus proferat. *Verbis igitur uti ad fallaciam,*
non ad quod instituta sunt, peccatum est (Enchir.
cap. 22.). Qui in alium finem verbis utitur,
hic fallaciam in Rempublicam invehit, & sinceri-
tatem, bonamque fidem ab ea repellit. Etenim
si vigeat hic verborum usus, quid aliud erunt
homi-